



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Societatis Iesv Sive Propvgnacvlvm: Pontificum,
Conciliorum, Cardinalium, Antistitum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Maria Augusta n. 3

urn:nbn:de:hbz:466:1-38486

vt ex eo tempore, quamdiu vixit Romano Collegio quadringentos singulis annis aureos nummos perbenigne donarit. Nec pia tanti Principis in commendanda suis, & Ignatio, & Pontifici literis re Bohemica desiderata sedulitas est. Nec Prouinciam tam indigam opis, aiebat, ac prope depositam, desertamque prorsus paterentur: sed paterna charitate complexi per Societatis homines subleuarent. Ita Ibidem lib. 15. num. 23.

Et desiderata Bohemia.

Nullum miseris temporibus presentius subsidium.

Eius Scholæ antidotum contra hæreses efficacissimum.

Sociorum opera quam utilis ad eas extirpandas.

AB EODEM fatente, Nullum presentius miseris hisce temporibus se inuenire subsidium, quàm si huius Familiæ, nempe Societatis, Viros in terras quam plurimos auocaret. Hæc Par. 2. Hist. Societ. lib. 4. num. 64. Et in Germania, Antidotum contra Hæreses efficacissimum Scholæ à se nostras adhibitas esse, scribente. Ita in Imag. 1. sæc. Soc. lib. 3. cap. 4. fol. 345. Et rursus testante: Sociorum sese operam ad extirpandas hæreses imprimis vtilem in sua Germania expertum, haud dubie talem in Belgio futuram. Sic Ibid. liter. ad Philip. 2. lib. 6. fol. 887. Tandem, vt literas, quæ cum Religione diffugerant, pius admodum Imperator, reuocaret, euocauit nos primum ad Viennensem Academiam, è qua totos annos viginti constabat, neminem sacris initiatum prodixisse: deinde etiam ad Pragensem. Ita Ibid. lib. 3. Orat. 5. fol. 439.

Litera ad Pontificem in Societatis commendationem.

Qua ab Apost. Sede, ac Principibus colitur, ac amatur.

Et ab Hæreticis detestatur.

3. A MARIA Augusta Maximiliani Cesaris coniuge meritiſſima, quæ incomparabilis, & munificentie, & deuotionis, & prudentie Imperatrix fuit, literis ad S. Pontificem Clementem VIII. datis Martii 14. Nouemb. ann. 1598 in hæc verba. Beatissime Pater, experta & in Germania, & in Hispania cum animi magna consolatione, quantum Religio Societatis IESV Deo, & eius Ecclesiæ deseruit, obligor ex intimo corde concupiscere, & adniti eius conseruationem, & augmentum, præsertim cum videam eam à sancta illa sua, & Apostolica Sede, à Catholicis Principibus tantopere coli, & adamari, quantum eam Hæretici & Pontificiæ Cathedræ omnes hostes detestantur: persuasum enim habeo tales fauores necessarios esse, vt fructus laborum, quos suscipit, crescat, & mercedis, atque præmij

mij quasi debitos titulo, ob plura, & insignia eius merita erga Vestram Sanctitatem, & totam Catholicam Ecclesiam, pro qua incessanter fatigatur. Vestram Beatitudinem suppliciter deprecor tum propter Vniuersalis Ecclesiæ gratiam, tum propter nostræ in hanc Religionem deuotionis ardentiorum affectum, vt quam commendatissimam Vestra habeat Sanctitas; & paternè defendat in omnibus occasionibus, speciatim eâ, quæ oblata est de P. Ludouici Molinæ libro, quem librum ex auctoritate Vestræ Sanctitatis Archidux Albertus filius meus, dum esset supremus in Regno Lusitanæ Inquisitor, cum toto sanctæ Inquisitionis Senatu examinauit, ob quorundam æmulorum instantiam, & reperit criminatio- nes illorum nullius esse momenti, librumque securum, & Catholicum esse: quod ipsum quoque iudicatum est à multis Vniuersitatibus, Prælatibus, & hominibus doctis Castellæ: quod Vestra Sanctitas fusius percipiet ab Hispaniæ in Vrbe legato: cuius Beatissimam Personam Numen tueatur cum omni felicitate, & augmento fidei, vt populo Christiano necessarium est. Vestræ Sanctitatis Obedientissima Filia MARIA. *Hæc Imperatrix Serenissima, nostrique Matritensis Imperialis Collegij Fundatrix munificentissima: in Apolog. pro scientia Media per Paulum Leonard. Par. I. n. 29.*

*Fatigatur
incessanter
pro Ecclesia
Catholica.*

*Scientia
Media Soc.
Pontifici
commen-
datur.*

4. A RODVLPHO Eiusdem Mariæ, & Maximiliani Cæsaris filio in literis alijs peregrinæ ex Praga ad eundem Clementem VIII. datis anno 1600. die 8. Iulij: Si enim (inquit) in vllam Orbis Christiani gentem Societatis IESV ab illo (videlicet B. Ignatio) iustitiæ fructus extat in Germaniam nostram multitudine populorum pene immensam adeo in omnia Regna, ditionesque vniuersas, ita se multiplicem effundit, vt obscuratus superiorum temporum iniuria Domus Dei nitor quasi nouo sole illustratus vbique resplendescere, maiestatemque religionis Catholicæ primæuam adferre videatur, ita siquidem, vt spes nobis pulcherrima sit fore, vt ardente Societatis illius zelo, ac cælesti qua præfulget doctrina, diuersorum

*Multiplici
vbique ter-
rarum fru-
ctu sese
effudit.*

*Quasi no-
uus Sol ob-
scuratam
Dei domū
illustrat.*

*Ardenti
zelo, ac cæ-
lesti doctri-
na præful-
gens, errorū
tenebras
discutit.*